

西 南 文 獻 叢 刊

第 二 種

鄭 子 尹 年 譜

凌 惕 安 編 著

國 立 北 平 圖 書 館

商 務 印 書 館 發 行

6
6
1

國立北平圖書館
西南文獻叢刊第二種

鄭子尹年譜

凌惕安編著

中華民國三十年四月初版

◆(38118)

國立北平圖書館
西南文獻叢刊第二種
鄭子尹年譜一冊

每冊實價國幣貳元

外埠酌加運費匯費

編著者 凌 惕 安

發行人 王 雲 五
長沙南正路

印刷所 商務印書館

發行所 商務印書館
各埠

版權所有
翻印必究

序

楊安於柴翁先生，心祝瓣香，蓋與日以俱進。以樸學大師，而孝弟力行，詩書畫三絕；經師人師，一身兼備，伊古及今，邈焉寡儔！往讀巢經巢詩，至：繁哀，題書聲刀尺圖，二苕季弟哀詞，送姊還甕海，哭三女薨于，孫玉樹諸什，輒淚下涔涔，增人倫之重！至今硜硜載籍，安分自愛，長依吾父母膝下，不忍別離者，實先生人格之所感動。嗚呼！此之謂詩教。明知德才與學，萬萬不逮，而天倫至性，固人之所同也，自來於先生事狀，能道其詳，歷時既久，詩文亦多能記誦。卽與同時諸賢已刻未刻各種著述，皆嘗檢討。而所蒐集先生手稿遺墨，復多至數十件。去冬又獲親書遺囑，署曰「經巢後計」；而臨沒致唐鄂生手札，諄諄託孤，殆成絕筆者，亦莫之致而致，萃於敝齋，以是愈感於年譜之輯，責無旁貸，儻竟因循，何以解於後之來者？寒宵多暇，從事纂述，稿凡數易，迄未釐訂。今年，先生生日，復詣子午山謁墓，乘便搜訪遺迹；既已不可復增，乃始寫定，都爲八卷。惟據令似伯更手冊，記先生歸道山後，所遺草稿，尙有：經巢瑣錄，經巢漫筆，柴翁己未記忘，庚申隨筆，柴翁辛酉壬戌記忘，經巢待定手記諸種，可以考見生平者，皆付飄零，爲之三歎！伯更以名父之子，學能續緒，當日若於行述之外，擴而充之，以成年譜，豈不甚善？徒以橐筆四方，奔走不遑，以有待於楊安今日之多方搜

采，粗具生平，亦未始非幸事也，獨念余生也晚，未獲親炙，因緣契合，不及劉生之業燭籠者：見巢經巢詩集卷七亦如柴翁之徒致羨於昌黎焉，此則曠世之同憾也！

民國二十六年六月，貴陽後學凌惕安謹序。

凡例

一、年譜之爲用，在使學者，對於譜主之「人格」「性情」「思想」「環境」「師友」「著作」等，有所認識。必如何而後能達此效用，視譜主之生平而異，未可拘於一例也。

一、本編於譜主稱「先生」，餘皆直書姓名，所以示專示敬。惟於其祖若父，則加「公」字。於其祖母及母，但標外家姓氏，如曰「祖母程」，「母黎」。卽此是敬，陳情表有先例在。

一、年譜例及其先世，惟子尹先生生平學行，實植基於舅家，母黎，又具懿德，故輯先生年譜，必須並詳黎氏，此又他譜所無，而惟鄭譜所必具。

一、本編基於撰述之便利，特立「譜前」「譜後」兩門。譜前，敘述先生先後世，及外家師友之最有關係者之略歷，其關係較次者，則散見譜中各該條下。譜後，專敘先生逝世後關係事件，及遺著梓行之經過。

一、本編以先生著作爲基本材料，其餘各家著述中，有及先生事蹟者，靡不採錄，自信少有遺漏。至故老傳說必期真確可信。

一、本編編次不厭求詳，雖瑣細不遺，觀人於微，蓋有深意存焉。

一、先生之詩，皆有本事，是以本編於先生詩之有關於本人事蹟者，往往採錄全首，一字刪減

不得，閱者當自得之。

一、先生詩集之編年，除前九卷，出自手訂，最足依據外，餘皆後來刊印時，以意懸揣，往往失檢，今皆詳爲考訂，加以更正。

一、本編無一字一句無來歷，每條之下，皆註明出處，以資覆按。

一、本編於先生與先生有重大關係之人物，皆訪求其遺像，弁之簡端；手蹟之尤有意義者，亦攝影編入，皆所以資興感也。其求之終不可得者，姑闕之。

一、本編凡六易稿，乃始寫定，自維譴陋，敍次容有未當。尙乞海內賢達，有以教之！

民國二十六年，四月，凌惕安識於笏香室。

鄭子尹先生遺像

敬遵義趙愷本屬北平楊壽齡
寫貴陽後學凌惕安謹記



P.W. 7342/22

柴翁畫本
 愷義
 趙寄

少園付只非忘要便平生精氣
 存顯巖徑策如見我癡哥為寫
 大姚村

時後再補我尊存畫序
 大姚村與小東處生味五者

仙閣守門人主在否頃刻人間一老
 夫白鵬飛來呼我去去之夢魂
 不到故人室好是不歸一啼更好
 好已不堪霜鬢看麻姑

畫成鏗下唱定風波題之明日入
 郡矣此紙付相俾五尺道人以成
 八月廿五日



柴翁詞稿 遵義 寄趙

楊路仙雲飛過一丈一陣風來
散花龍雨點石嶂紅永結日暮
苔華姊妹三山去 為寄麻
姑君莫誤黃竹難裁還是栽桑

謝陽野平生凄絕向他生莫似陵女
夢水千山苦覓尋路荒園香
香溪西飛生一聲碧落 五十七
問真陽世別離依舊謝家林可

憐相憶秋而今

三年不見阿妹庚子九月抄換你海鏡堂
之遊因過妹家秋雨蕭蕭遊興為阻仍歸即
去今年為妹人不伴詩書舊年伴詞二首
付相佩存之五尺道人書

將逝前六日致唐炯書


簡香室藏

鄂生老弟如握父未談心無時不
在念中竟無緣得一見矣邇
來戰區無恙而口疾日加沉重
今生恐不能再見吾弟矣
前云唐跡後命同兒奉上以
完平生之志尚乞扶持兒輩
得蒙玉成兄當感激于泉
下也多作不能成語臨書禱
切敬請

公安

鄭珍上言九月十一日

鄭子尹先生之墓



鄭子尹年譜

卷一

譜前

鄭先生，名珍，字子尹，號柴翁，又號巢經巢主，子午山孩，晚號小禮堂主人，五尺道人，別署且同亭長。貴州省遵義府遵義縣人，嘉慶十一年丙寅，三月初十日生，同治三年甲子九月十七日卒，年五十九歲，爲清代一樸學大師，孝弟力行，詩書畫三絕，清史稿儒林有傳。
據巢經巢全集，風塵詩稿，子尹府君行述。

鄭氏之先，爲江西吉水人。其七世祖有名益顯者，明萬歷庚子以游擊從南昌劉綎征播州。播平，綎被論回衛，留部曲領舊帶兵萬餘，分置遵義仁懷赤水敘南建武馬湖等處，耕種防守，益顯因駐屯遵義西六十里名水煙地。繼值吳洪楊和尚之亂，率衆保禦，西境無恐。崇禎辛巳，長州王佐聖來宰遵，以益顯宿將，問所以扼水蘭吭者，益顯爲畫築新站城，與佐聖往來巡視訓練，邊備悉舉。明年，府道緩郭士奇吳上才之役，致逆酋吳三桂入黔，城破，佐聖死之，益顯與綎留將王尙明，協十里土司，直搗賊營，分兵新站，新站，在遵義縣境，賊盡殲，郡賴

以安。顯亦旋卒，卽葬宅西湖洋水上，自後遂爲遵義人。子斗宸，孫維垣，曾孫之璫，字琢翁，布衣頤道，喜藏好跡。琢翁生嵒，字雪容，蓋先生曾祖也。據播雅，遵義府志，黎太孺人墓表，子尹府君行述，鄭徵君行狀。

曾祖名嵒，字雪容，琢翁長子。配宋氏，有隱德，爲遵義處士。遷郡西六十里之天旺里，河梁莊，當湖洋水上，與門直曰水流巖，懸瀑可四十丈。據播雅，及黎太孺人墓表，子尹府君行述楊安謹按，遷天旺里河梁莊一事，墓表行述互異。墓表謂益顯因家天旺河梁，行述謂高祖嵒遷天旺河梁，然水烟天旺，同在西里，故先生撰將軍傳有曰，水烟天旺一帶，地更相接，又遵義府志選舉表乾隆四年莊有恭榜進士，有鄭瑄者，蓋嵒從兄也，字獻虞，爲先生祖崇篆之從祖伯父，乾隆戊午舉人，已未進士，官黃平州學正，居水流巖懸瀑上流，去嵒居河梁四里許，有詩曰湖洋集，先生輯播雅，曾採及之，黎太孺人墓表有「越我曾祖得瑄公成進士句」，讀者每將得字誤會，故附注於此。

祖名仲僑，字學山，號崇峯，以字行。乾隆諸生，家豪於貲，父嵒早沒，母宋，以獨子善病，令稍知醫，乃盡發方書，研究積年，有所得力，欲以活人爲事。聞有世傳驗術，不遠千里，持厚貲，羅而受之。曾買一祕集方二十餘首，至酬以二百金。一日寓大足縣吳林山寺，偶病，市遠，難得藥，遇張先生者，出一丸令服，遂起過談，相與討究切脈之訣，從三月，張別去，乃歸。學大進，絕口不道方脈，有知者，遇急延之，雖中夜大風雪，必卽往，往無不活者。母早病勞咳，以法調之，愈，至壽九十始沒。生平性慷慨，所居困倉環四牆，花果

竹藥周四五十畝，來告饑者，指某困呼奴子量若干斛去，告急者出囊藏卽令之稱，四方客過其家，烹羊宰肥，或時作十日之飲，乃去。知其貧，必有資，而其自奉一布袍數十年，食飮兩蔬而已。其子文清請著醫法貽後，曰：「是道必知其意，不可以言求」。僅以傷寒證治口授之。臨卒，出貸券約萬金，付一炬，曰：「子孫才，能自食，不才，滋害人耳」。年六十四。據運義府志及播雅。

「從昆弟，十猶半焉諸生，嗣以飲博棄耒硯，而族圯矣」。據黎太孺人墓表。

配程氏，識字、通大義、性溫順、勤婦職、持家樽節有法，早歿。據經集詩卷九及母教錄子尹府君行述。

父名文清，字雅泉，崇峯長子。年七十，以布衣終。先生嘗自述曰：「先子生六歲，失恃，長於母家程氏」。據經集詩集卷九。

嘉慶五年，庚申，九月，娶於黎氏，安理第三女也。娶時，住鴨溪口和連莊。據長山公年譜。

先生又自述曰：「先子生平不識世俗鄙事，胸無機思，口無宿諾，有百錢，聞人告急，輒與之。與人語，慈怛之氣，有餘於言。若過失，必面數之，不顧人忌，人卒莫忌者。少嘗試秀才，不得，卽棄去。從先大父問方脈，率造其微，獨傷寒尤盡長沙之精。一著指，病所在，立辨，不爽毫髮。求治者，無貧富必赴，值有酒費一壺而已。性好潔喜飲，晚更嗜釣，非鉏花課孫，日嘗在溪。珍幼不慧，而先人責望尤切，親授諸經，課法盡善，能使所倍久猶不忘

記。後以天旺舊居，里氛惡，負遺書，舉室走百餘里，僦耕夷牢水上」。據播雅卷十二。

文清黎氏壻，正以黎氏多書籍，近之，便教子也。性不喜近世垢，嗜釣與酒，日持竿行溪上，斜風細雨，簑笠芒屨，陶然自適。釣不必得，雖終日不獲一，不爲之罷。得魚，則熱酒烹魚，呼一二鄰翁對酌，絮絮語桑麻述古事，意境脩然。……喜蒔花木，庭列瓦盆數十，生香四時不斷，室中四壁懸挂，無非菜仁花子，人之乞種者，曰：「鄭氏無，信皆無也。常濟急者以爲快。以故坐貧困，然亦不以爲戚」。據續遵義府志。

性不屑問家人生產，然渴於活人，所方脈，無一失，而亦恥受貲也。課子孫之餘，喜釣飲，蒔花樹，多有盆植。據集經集詩集卷九。

「稟性剛慤勤儉，言行必準規矩；少不事楷法，而下筆雄潤嚴挺，有日事臨摹人不到者」。據子尹府君行述，及文清公禁藥跋語。

乾隆四十二年丁酉，十一月二十二日子時，生於遵義西天旺里九甲河梁莊。道光二十六年丙午四月三十日戌時，卒於樂安里三甲圭灣，年七十歲，例贈文林郎。子三，女四。據集經集文卷三，及栗主書後。

母氏黎，例贈孺人，盛於德，山東長山縣知縣，黎安理第三女。乾隆四十一年丙申，八月初三日午時，生於樂安里三甲沙灘官莊山南梔岡下。據黎太孺人墓表。

生時，父安理以家窮多女，命不乳；三日不死，大母憐之，乃復乳。其後先生述母教有曰：

「母曰：我生時，先大夫以家窮多女，命不乳三日矣，大母憐不卽死，命乳我，乃活到今。每八月初三，念父子天性，爾時寧棄不舉，不知有多少沒奈何。先宜人同是日生，道爾時僅借得兩雞子食，貧家艱苦，事事傷心。」據母教錄。

嘉慶庚申九月，歸文清公。長山公年譜有曰：「庚申九月，宅舍落成，三女出閣，鄭增入贅，道途遙遠，另多費用，是歲修造嫁粧二事，合雜用計三百餘金」。衣敝食喘，由枿厥顛，萬苦千辛，哀哀終世。教子極嚴，常教先生曰：「誠我子，必勤必正，苟酌於酒，言博，不力本孝弟長厚，此非吾養，勿上我墳」。以道光二十年庚子，三月八日，卒於圭灣，壽六十有五。據黎太孺人墓表及栗主書後。「賢淑酷似其母，王姑年八十，食飲眠動，非得之不怡。逮別居，王姑曰：長孫婦善我事，彼居乎我依」，事之乃益謹，噦噫嚏欠悉知之。後家落，又里氛惡甚，謂是互鄉，非居子所，乃偕夫東徙斤竹溪上，依母家，自力衣食。常曰：「人雖窮，禮不可不富。禮不富，則真窮也。祖宗生忌，及四仲無或忘，薦必潔，親賓之來，倉卒具亦辦，衣飾盡於課兒，慈祥及於乞者，溪東西居人，咸稱鄭家三姑，藉藉三姑賢，每出見者，咸趨進起居三姑，咸願得三姑過其家，老者無不親，少者無不肅。教諸子，切近篤實，無華俗見。常曰：婦人舍言容功，無尋德處。言止柔聲下氣，容止穿飾整潔，功則鍼黹紡績酒漿菹醢，終身不能盡，足括女誠女訓之蘊。他於立身持家涉世之道，亦邇譬曲喻，蓋女宗而有儒者風。子珍學文勵行，爲通儒，重當世名宿，母教爲多云」。據莫友芝撰鄭母黎太孺人墓志，及遵義府志。

文清公生三子二女。女、一爲先生姊，一爲妹。子、先生居長，次璵，次珩。據續遵義府志。姊適甕海馮樂善，仁賢肖母，長先生三歲。艱辛卒世。生平略見先生集經集遺詩曰：姊氏信仁賢，事事肖先母，生居窮兒長，歸爲獨子婦，見喜三後姑，能肥八男女，比年連三喪，賴汝隻力舉，問產尙如舊，益知心獨苦。其弟璵有曰：「伯姊適西隅甕海馮處士樂善，生男女甥各四人。同治三年甲子，偕鄉人避賊金山寨。十一月二十四日，賊攻破寨，兩子死於戰陣，惟率弱稚輩住宅西迴龍寺，饑寒困苦，不堪言狀。乙丑正月十九日，於寺內病故，年六十三歲，十餘口之家存者僅第三子及其婦耳。幸族人偕其病子，葬之祖塋。雖掩土而墓未成，其厄於時勢，余何諫焉，至己巳知劬兒游泮，率省祖墓，枉道而視，姊墓如故也。及乙亥，猶子知禮入泮，復率姪孫師惠等再往視之，其墓仍如故也。據集經集詩後集卷三，及悅均遺詩。妹適庾以純，據庾俊生書。惕安謹按：集經集詩集中言妹事僅數見，而已未除日至家八首中之一首，尙有闕佚，妹家距先生居，相去三里。

弟璵字子行，珩字子瑜。珩先逝；年四十三。璵年七十始卒。皆先生教之成立。二人事狀，見黎庶昌鄭兩山人傳曰：「山人名璵字子行，珩字子瑜，姓鄭氏，遵義人，徵君珍之弟也。讀書略通大義，不肯竟學，棄去。家貧，薄有田數畝，力耕自食。道光末，徵君高名宿學，爲西南儒宗，郡守以下，禮聘造請，士大夫望塵款接，惟恐失顏色，山人獨默默寡譽，以布衣終，姓名不出閭巷，老屋柴門，蕭然物外，於富貴人不識也。子行隱於堪輿，子瑜隱於